



Inatsisartut Suleriaasianni § 36 najoqqutaralugu apeqquteqaat aallavigalugu oqallisissiamik saqqummiivunga:

**Najugaq qimannagu inunniq isumaginninnermut siunnersortitut ilinniagaqalernissaq anguniarlugu suliamik aallartitsinissamik periarfissaqaleqqullugu Naalakkersuisut peqquneqarnissaannik apeqquteqaat aallaavigalugu oqallinnermik siunnersuut.**

(Naleraq)

Tamanit ilisimaneqarpoq nunatsinni inunniq isumaginninnermut siunnersortinik amigaateqarujussuartoqarnera.

1992-ip aallartisimalernerani inunniq isumaginninnermut siunnersortit peqatigiiffiata NIISIP<sup>1</sup> saqqummiummagu nuna tamakkerlugu inunniq isumaginninnermut siunnersortinik 155-inik amigaateqarnera, tamassumalu kingunerisaanik innuttaasunik sullissinerup sivitsoriartuinnarnera. NIISIP-p misissuinerata takutippaattaaq kommunini inunniq isumaginninnermut siunnersortinik 231-nik atorfeqartoq, taakkunannga 77 inunniq isumaginninnermut siunnersortinit ilinniarsimasunit atorfigineqarput.

Inunniq isumaginninnermik siunnersortinik amigaateqarnerujussuup nalinginnaasumik kinguneraa innuttaasut piukkunnaatilimmik sullinneqannginnerat, taamaalillunilu innuttaasoq ilitsorsorneqarnissamut, siunnersorneqarnissamut neqeroorfigineqarnissamullu inatsisit najoqqutaralugu pisinnanngitsut. Ombudsmandimit nalunaarutit najoqqutaralugit sullisisut piginnaasanik amigaateqarput. Ombudsmandip nalunaarusiaanit kingullermeersumit 2021-meersoq takuinnariartigu, tassani qulequttat ilaat imaapput "*sulianik meeqqat pingasut inissinneqarnerinut angerlartinneqarnerinullu tunngasunik suliarinninnej akuerineqarsinnaanngilluinnartoq*" aamma "*meeqqap tapersorsortitut*

---

<sup>1</sup> <https://sermitsiaq.ag/kl/misissuineqisumaginninnermi-siunnersortit-155-it-amigaatigineqarput>



*ikiortilerneqarnissaanik qinnuteqaat kommunip ingerlatsiviani suliamik suliariinninnermi peqataasinjaassuseqannginnej pissutigalugu qisuariarfigineqanngitsoq ”.*

Sullissisup suliamut tunngasumik piginnaasaqarnikkut amigaateqarnera aamma ingammik innutaaasunut innarluutilinnut atuupportaaq, inisisimaneri paasiuminaassinjaammata sullissisup suliamut piginnaasai annertusariaqarput. Isiginneq taanna innarluutillit illersuisup Sermitsiamut (08.02.2022)<sup>2</sup>, oqaaseqarneranit tapserneqarsinnaavoq, tassani takuneqarsinnaavoq:  
*”..ilinniarsimasunik sulisussaqanngittarnerup malitsigisaanik, innuttaasut suliakkiissutaat amerlasuutigut kukkusumik aalajangiiffigineqartarput, piffissami sivisuallaami kinguarsarneqartarput imaluunniit unitsivinneqartarlutik.”*

Inunniq isumaginninnermi siunnersortip ilinniarnera Ilisimatusarfiup neqeroorutigisarpaa, taanna ukiumut ilinniartut 20-t aallartissinnaapput, isumaqarpungalu inunniq isumaginninnermi siunnersortinik ilinniarsimasunik pisariaqartitatsinnut naammanngitsutut isumaqarfigaara. Sullissisut ilaatsilaqtaqalersimasut soqtiginnissinnaapput piginnaasaminnik qaffassaanissaminut inunniq isumaginninnermi siunnersortitut ilinniarlutik.

Inuaqatigiittut aamma inuit qinigaattut tusaanngitsuusaarsinnaanngilarput inunniq isumaginninnermi suliaqarnermi suliamut tunngasunik amigaateqarneq, aamma suliassat sullissisut ullut tamaasa angumeriniagassaat allanngortitserusullutik, taava qanoq iliuuseqartariaqarpugut. § 37 najoqqutaralugu apeqqutilliinermi 017 / 2023 Naalakkersuisut allapput: ”Najugaq qimannagu inunniq isumaginninnermi siunnersortinngorniarnermik pilersitsinissaq pillugu oqaloqatigiinnissaq Naalakkersuisut ammaffigaat.”<sup>3</sup>, taamaattumik Naleqqap partiit najugaq qimannagu inunniq isumaginninnermi siunnersortinngorniarnermik pilersitsinissaq pillugu isumaat paaserusuppa, tas-sunga ilanngullugu oqallisigerusuppa qanoq ililluni ilinniartunngornissamut soqtiginninnerup qaffassarnissaa kiisalu inunniq isumaginninnermut soqtiginnineq qaffassarnissaa.

Taamatut oqaaseqarlunga partiit tamaasa oqallilluarnissaat kissaatigaara.

<sup>2</sup> <https://sermitsiaq.ag/kl/tilioqisumaginninnermi-siunnersortit-amigaataarnerat-akisuvog>

<sup>3</sup> [https://ina.gl/documents/para3637/2023/svar/017\\_2023\\_socialraadgiver\\_PANERO\\_akissut.pdf](https://ina.gl/documents/para3637/2023/svar/017_2023_socialraadgiver_PANERO_akissut.pdf)